

2.2 Kegiatan Ekonomi

2.2.1 Pertanian

Kegiatan ekonomi yang dijalankan oleh masyarakat kerajaan Alam Melayu ialah pertanian, perdagangan, mengutip hasil hutan dan laut, perlombongan dan pembuatan.

1. Pertanian

- Tanah yang subur di Alam Melayu sesuai untuk kegiatan pertanian.
- Pada peringkat awal tujuan untuk menyara diri, kemudian dipasarkan apabila terdapat lebih hasil pertanian.
 - Penanaman Padi

Kerajaan	Penerangan
Funan	- Terletak di Lembah Sungai Mekong yang mempunyai tanah yang subur. - Tonle Sap digunakan untuk mengairi kawasan padi sawah.
Champa	Setiap kampung terdapat Ketua Air untuk menyelenggarakan terusan dan daik.
Angkor	- Terletak di Lembah Sungai Mekong yang mempunyai tanah yang subur. - Pemerintah membina kolam yang dikenali <i>baray</i> untuk menyimpan air.
Majapahit	- Pulau Jawa mempunyai tanah yang subur. - Sungai Bengawan Solo dan Sungai Brantas membekalkan air untuk pengairan padi sawah. - Membina sistem pengairan.
Srivijaya	- Padi menjadi tanaman utama. - Ditanam di kawasan pedalaman Palembang terutama di Tanah Tinggi Pasemah dan Hulu Musi.

- Rempah-ratus
 - Bunga cengkih ditanam di Kepulauan Maluku, buah pala ditanam di Pulau Banda dan lada hitam ditanam di Sumatera dan Jawa.
- Kegiatan pertanian yang lain
 - Tanaman lain seperti pisang, tebu, bijan, kacang, kelapa, sayuran dan buah-buahan diusahakan oleh masyarakat.
 - Kegiatan menangkap ikan di sawah, paya dan sungai.
 - Berusaha mendapat kulit kura-kura.



Penilaian Tahap Penguasaan 2.2.1

- Gariskan jawapan yang betul tentang penanaman padi di Alam Melayu. **TP 3**
 - Kerajaan (Funan / Champa) terletak di Lembah Sungai Mekong yang mempunyai tanah yang subur.
 - Pemerintah kerajaan (Angkor / Champa) meningkatkan hasil penanaman padi dengan membina *baray*.
 - Terdapat Ketua Air di setiap kampung untuk menyelenggarakan terusan dan daik di kerajaan (Srivijaya / Champa).
 - (Sungai Mekong/Sungai Brantas) membekalkan air untuk pengairan padi sawah di Pulau Jawa.

- Nyatakan jenis rempah-ratus yang ditanam di Alam Melayu. **TP 2**

Jenis rempah-ratus	Lokasi ditanam
(a)	Kepulauan Maluku
(b)	Sumatera dan Jawa
(c)	Pulau Banda

- Namakan tanaman yang diusahakan oleh masyarakat Alam Melayu. **TP 2**

